



კვირა, 5 თებერვალი 1917 წ.

რედაქციის ადრესი:
თფილისი, ოლღას ქუჩა, № 6.

ფასი 15 კაპ.

მშენებელი

№ 6

1917

შინაარსი: წერილი მეგობართან — ბეკო მაშრყ-
მალრიბელი. მიმოხილვა — ეშმაკი. ნარკვევი — შალი.
კნტოური იგავი — ირ. ტოფაძე. გორიდან — შვილდ-
ისარი ჩემ ვასკას — გოლგოთელი. ბაში — ტარ-ბანი.

ხონის ამბები — ზუმა. პორტორი ასკუკაძე — პოლბიჰენტა.
ფოსტა.

პარაკატურები: თავრიდი ქუჩა. ნიკო გოცირიძე. სა
ქაბთველო და სახალხო.

თ ა ლ ა რ ი ბ ი



ვინაიდან დეპუტატთა და სხვა გარეშე მსურველთათვის ერთობ
ძნელი მისაგნები გახდა სახ. ღუმა, ადმინისტრაციამ მას შესფერი ნო-
მერი დაასვა.

წერილი მეგობრისადმი

თუ არ გინდა ღრამაო
კარგათ ბოჭე ღრამაო.
„ეშმაკის მათრახიდან“.

ძვირფასათ მოსაგონარო. და საიმედოთ საგუ-
ლებულო, ძმაო ქაქიჩი უპირველესათ ყოვლისა მო-
გილოცავ წარსულ ქრისტეშობას და მდგომარე
ახალ წელს და ვსთხოვ მამაზეციერს მრავალ კი
დღეს და ახალ წელს დასწრებოდე შენი კაი და
ლამაზი ცოლშვილით და ყოველი შენი მოყვრით
და მოკეთით. სხვა ძმაო, ვიცი ჩემს ამბავს იკით-
ხავ და ვარ ჯერ-ჯერობით ცოცხალი ღვთის წყა-
ლობით და შენი იმედით და მიდგია გაჯახირებუ-
ლი სული. და მართლაც რა არის დღევანდელი
ჩვენი სიცოცხლე და ცხოვრება თუ არა ჯახირი
და ვაივაგლახი, ნამეტურ ისეთ დრომოქმულების-
თვის, როგორც მე და შენ. არ გეწყინოს, ჩემო
ქაქიჩ, ასეთი თქმულება და ვიცი არც გეწყინება,
რადგან ტყუილად კი არ იტყვის ბრძენი სოლო-
მონ ზურგიელიძე: „ზოგჯერ თქმა ჯობს არა თქმა-
სა, ზოგჯერ თქმითაც დაშავდები“*)

ჩვენ ერთ დროს, ქაქიჩ და ძლიერ გაჯავრებული
ვიყავით, რომ ასეთი საქმე მოგვივიდა და ასეთ
მდგომარეობაში ჩავყაყენეს. დიახ მაშინ გვეგონა,
რომ დაგვაქციეს, პატივი აგვხადეს, ჩვენი თავმო-
ყვარეობა შელახეს, ჩვენი მოქალაქობაობა ფე-
ხით გათელეს, ჩვენი წარსული გადალახეს. ამიტო-
მაც იყო, რომ „რანცი“ სათაკილო რამეთ მიგვა-
ჩნდა, „ნოვობრანცი“ არა სასურველათ. ეს ის
დრო იყო, როცა ჩვენი ცხოვრების სარბიელზე
თარეშობდენ ეგრეთწოდებულნი ინტერნაციონა-
ლისტები, ანტიშილიტარისტები, სხვა და სხვა გვა-
რი პაციფისტები, ეს იყო იმ დროს, როცა პატი-
რიობა მამულის შვილობა, რაინდობა, გამირობა,

ვაეკაცობა, „აფრა აკეცა ქუდისა“, „გადაკიდება
ჩხუბისა“, თოფის გრიალი, ლეკურის ტრიალი და
სხვა ასეთები და ამ გვარი რამეები სამარცხვინო
საქმეთ ითვლებოდა. რატომ? იმიტომ რომ ამ
სწორუბოვართ თავი შესაით მოჰქონდათ: მათ ვი-
თომ და ხელში ქონდათ ქვეყნის ტრიალის საი-
ღუმლოების კლიტე—ერთის მხრით კლასთა ბრძო-
ლა და მეორე მხრით საყოველთაო ძმობა და სათ-
ნობა! და აი ამ ჯადოს საშუალებით უნდა აეშე-
ნებიათ ქვეყანა, გაებედნიერებიათ კაცობრიობა,
გაეხორციელებიათ ოცნება, და სხვა ასეაები, მაგ-
რამ აჰა დადგა ჟამი, როცა ყოველივე ესეები და
სხვა ესეთები გაქრა ვითარცა სიზმარი დამისა, ვი-
ნაიდან ესევე ყოველი განქარდა რამეთუ გამ-
წარდა და მაგივრათ რამე-რუმეებისა და ლათაიები-
სა გაისმა მედგარი გამოძახილი: „ბრძოლა, ძმანო,
ბრძოლა მამა-პაპური, თორემ მტრისგან ილუბე-
ბა მამული“. ხო და მოიგონე, ქაქიჩ, ეს დიდებუ-
ლი მომენტი, ამ მოგონებას თან მიაყოლე ისიც,
თუ რა ერთობა, რა ძმობა, რა ფიცი, რა მტკი-
ცი, რა ურა და ორაველა, რა გატაცება, რა
გულწრფელობა, რა თავდავიწყება, რა უანგარობა,
რა გამირობა და ქველობა და სხვა მრავალი სიკე-
თეები მოჰყვა ამ გამოძახილს! მოიგონე როგორი
მტრები გადაეხვივნენ მაშინ მეგობრულათ ერთ
მანეთს, რა მოსისხლეები დამოყვრდენ და რა ერ-
თგულებით და ერთხმად შესძახეს: ყველაფერი:
ცოლი, შვილი, სიცოცხლე, ქონება ყველაფერი
გამარჯვებისათვის! დიახ, დიდი მომენტი იყო ეს
ჩვენი ცხოვრებისა.

და ახლა კი მიაპყარ შენ შენი ლამაზი თვა-
ლი იმ წუთს, ანუ იმ მომენტს, რომელსაც განვიც-
დით დღესა და, გითხრა მართალი, შორს არ წა-
ვალ, რათა განგიმარტო და გაგითვალისწინო ის,
რის თქმაც მინდა. მე აქ დავკმაყოფილდები შენი
ღია წერილით და მიგითითებ ამ ისტორიული წე-
რილის იმ ადგილზე, სადაც შენ დიდის დრტვინ-
ვით და აღშფოთებით მაუწყებ: ვილუბები, ჩემ ქაქ-
ცხენს მობილიზაცია უყვესო! არ ვიცი, ქაქიჩ, შენ
რას იტყვი, ხოლო რაც შემეხება მე, თამამად გე-
ტყვი რომ ამიერიდგან შენი ჰაკი ცხენი ისტორიას
ეკუთვნის და მართლაც შენ თითონ იფიქრე: ჯერ
კიდევ გუშინ შენი დევიზი იყო: ჯერ გამარჯვება
და შემდეგ ოჯახური საქმეები და პირადი ბედნი-

*) წინეთ ამ თქმულებას შოთას აწერდენ ბ. გვახავას
უკანასკნელ გამოკვლევის შემდეგ ეს თქმულება უნდა მი-
ვაწეროთ, ჩემის აზრით, სოლომონს.

რება!


„ნარკვევი“

რის გულისათვის გასტეხე ფიცი; ჭაკი ცხენისთვის? მაგრამ კმარა, მე ამაზე აღარ ძალმიძს ლაპარაკი, დაუტოვოთ შენი ჭაკი ცხენი და გადავიდეთ ბლოკზე! როგორ ბლოკზე? მკითხავ შენ. როგორ და ისე, რომ ბლოკიც სწორეთ შენ ყოფას განიცდის თავიდან ბოლომდე, მხოლოდ განსხვავება ის არი, რომ როგორც შენ შენ ჭაკ ცხენს მიბჯენიხარ, სწორეთ ის მიბჯენია ბლოკიც „რეჟიმს“, შენთვის გამარჯვების საკითხი ჯაკი ცხენის საკითხით გადაიქცა, ბლოკისათვის „რეჟიმის“ შეცვლის საკითხით. შანკირებისა, ფინანსტებისა და მრეწველებისათვის მოგებისა და დივიდენდის საკითხით; ობივატელი დღეს იძიებს: კვერცხს, პურს, ხორცს, კოჭა ლარს, ბაწარს, გუნდა ლახოსტაკს და ყვითელ კოქს. ქვეყნის გამგეებს გარეგანი თითქმის დაავიწყდა და შინაგანზე მოაქვს იერიშები. ინტელიგენცია თფილ-თფილ ადგილებს შეფარებია და სწორეთ ამავე დროს ჩვენ ძველ ნაცნობებს ინტერნაციონალისტებს აქა-იქ ისევ თავი ამოუყვიათ და ძველებურ კუკუს იძახიან!..

და ყოველივე ამის შემდეგ მე შენ გეკითხები, ჭაჭირ, ვინ უფრო ახლოა ჭკუაზე: შენ და შენი ჭაკი ცხენი, ბლოკი მილიუკოვი და შულგინითურთ, ბანკის-აფერისტები, „ობივატლები, ქვეყნის გამგეები, ინტელიგენტები, თუ ჩვენი ძველი ნაცნობები, რომლებიც ერთ დროს ქვეყანას პროლეტარიატის საშვალეებით უპირებდნენ აშენებას?

მომიკითხე ჩემი რძალი—პირმთვარისა.

შენი ძმა და მეგობარი ახნაური
ბეკო მაშრიშ — ბაღრიბელი.



ახალი სიტყვა უთუოდ ქუთაისმა უნდა სთქვას „პირველთქმაში“ მას ვერაფერ შეედრება—ამის თავდები პაოლოცა; ესეც რომ არ იყოს აი კიდევ „პირველთქმა“:

„ქუთაისის კომერციული სკოლის სახელით ბნმა რაჟდენ ყარამანისძე დათეშიძემ განსვენებულ ანანოვის კუბოს ათი გვირგვინი დაადვა. როგორც გავიგეთ, განსვენებულ ანანოვს ამ სკოლისათვის უანდერძებია 2000 მანათი, მასვე დაუტოვებია „სინათლის“ საზოგადოებისათვის 1000 მან; საქველმოქმედო საზოგადოების სკოლისათვის 250 მანეთი“ („მეგობარი“ № 275.)

„სინათლის“ საზოგადოებამ, ან და საქველმოქმედო საზოგადოებამ რამდენი გვირგვინი დაადვა, ამაზე გაზეთი არას ამბობს, თუმცა არც ისე ძნელია ამის გამოკვლევა: თუ 2000 მანეთის ასანახ-ლაურებლად ათი გვირგვინი დაადვეს, 1000 მანეთისთვის ხუთი უნდა ვივარაუდოთ, ხოლო 250 მანეთისთვის—1¹/₄ გვირგვინი.

იმავე „პირველთქმის“ „აქესონის“**) და ყანწილთა ძმების გავლენით უნდა აფხნათ შემდეგი „პირველთქმაც“: 18, 19, 20 და 21 იანვარს, ბაბალახვანის ქუჩაზე ქალქის მოედანთან, ბეოლის სანერგე ბაღში ქუთაისის სასოფლო სამეურნეო საზოგადოების მიერ ახლათ მოწვეული დაფნის და მანდარინების მოშენების მცოდნე სპეციალისტი გაცნოს ხალხს თუ როგორ უნდა ამ უკანახუნელ მოშენება“...

აკი სიტყვა პაოლომ—გიყვარდეთ უსაზვროთ და ამრავლეთ ხალხიო ამ „პირველთქმას“ ჯეროვანი გავლენა მოუხდენია ქუთათურებზე და, როგორც ზევით მოხსენებულ ამონაწერიდან სჩანს—ხალხის მოშენებაზე მთელ ოთხ დღეს უსაუბრია მანდარინის და დაფნის მცოდნეს.

შალი.

*) ამ სთაურით კიდევ „სახალხო“ გაზეთი სწერს ხალხე.

**) გერასიმე იმნაიშვილი „ავტორის“ მაგიერ ხმა-რბის-მიბაძეთ.

მიმოხილვა

რაც ღრო მოდის, ომის ძაფი სულ თანდათან იხლართება!
 დიპლომატთა სათამაშო „კუკუ მალი“ იმართება,
 რაც დღე მიდის, რაც დღე მოდის ზავიც უფრო ახლოვდება!
 ნეტავი მას, ვინც მანამდე საფლავში არ ჩახვადება!

ფრანგების ჯარს, სახელოვანს, მოუწია დიდი შრომა:
 აქ ვერდენი, იქ იზერი, აქეთ მარნა, იქით სომა.
 გენერალი ჟოფრი გახდა საფრანგეთის მარშალია.
 (ჯილდო კიდევ ეკუთვნოდა, თუ სადმე სამართალია!)

როგორაც სჩანს, სიკვდილამდე დაწყნარდება თურმე როდი
 სახელოვან ბელგიელთა მეფე იგი ლეოპოლდი.
 თვით პატარა სემეფოდან შერჩა თუმცა მას პოქოკი,
 მაგრამ მისთვის მას ამჟამად არა უჩანს დასაზოგი.

ინგლისელთა ვინ არ იცის სანაფარდო ზღვათა მადა?
 სამისოთ კიდევაც ჰყავთ შესაფერი მათ არმადა.
 (ცნობილია ადმირალთა ადმირალი იქ ეელიკო.
 სკაგერაკთან ბძოლა ნეტავ როგორ მოხდა, როგორ იყო?)

იტალიის ერთობ მომწონს გაბედული მოქმედება:
 კლდესა და ღრეს ტრენტინოში ბურუსივით რო ედება.
 „ორი წინ და ერთი უკან“, ერთი მაინც ხომწინ მიდის...
 (მოლოდინი კი აფიქრებს ხელჩართული ომის დიდის.)

მიკვირს სწორეთ, ეგ ავსტრია ჯერაც რომ არ დაიშალა?
 ცოცხლად გაჰქრა ტყვეობაში ნახევარი მისი ძალა...
 კარპატებში მოუჭირეს, თოვლიანს და ტყიანებში,
 ისიც ვითომ „ნიხირ-ნახირ“ უფროს თავისიანებში.

შარშანს აქეთ ხსენებიდან გაჰქრა მინდვრის კვამლივითა,
 გმირთა ბუდე, პაწაწინა და მრისხანე ის „შავი მთა“
 აღარა ჰქუხს შავმთიელთა ხმა ორწოხში დანაყვირი...
 (თუმცაღა ამ წუთისოფლად სხვა რა არის გასაკვირი?)

საღდაც გაჰქრა სერბიელთა მამაცი და გმირი ერი,
 კორფუს ჰპოვა, კუნძულზედა, შესაფარი თავთა ქერი.
 მის მიწა-წყალს წანალეკავს სხვა ჰპატრონობს სხვა განაგებს,
 არვინ იცის ბედი მათთვის სახვალიოდ რას ანაგებს.

პაწაწინა საბერძნეთის ცნობილია პოლიტიკა...
 საკვირველი ამბავია ომში თავი რომ არ სტიკა...
 (მაგრამ ახლა სხვა დრო დადგა, „Времена, братъ уже не тѣ!
 Не Константинъ მეფობს იქა, არამედ თვით მეფე Коте*!)

რუმინიას მოლოდინმა ძარღვები მძაფრ დაუჭიმა.
 ჩაერია, მაგრამ ბედმა ვერაგულათ გაუღიმა.
 დაუტოვა მან გერმანეთს მამულისა არე ვრცელი,
 ბუქტურეშტი და დუნაის მობიბინე სარეცელი.

ბულგარია, ჯერ-ჯერობით, შესტრფიალებს რადოსლავოვს,
 მას უზომო მადა მოსდის, დობრუჯაში ერთობ სევაობს.
 თუ კვლავ ბედმა ძველებურათ მფარველობა არ უსურვა,
 მას მოელის უდიდესი განსაცდელი, ტანჯვა—ურვა.

მოგხსენდებათ, იმის შემდეგ წელიწადი გადის წყვილი,
 სალონიკში რა ჩამოჯდა გენერალი სარაილი.
 შეუტია და აიღო მან სიმაგრე მონასტირი,
 მაგრამ უფრო ჩრდილოეთით არ უქნია ჯერაც პირი.

გერმანია, ჯერაც კიდევ სდგას ძველებურ ანამრეზი,
 დახლართა და დაახვია ყოველი მხრივ ომის გეზი.
 ხმელეთსა და ცაზე ომით როცა კარგათ დაიგეშა,
 უსაშველოთ იბრძვის იგი მიწაში და წყალთა ქვეშა.

იქ, ზღვის პირათ, გატრუნული ზის პატარა პოლანდია,
 ზღვით ინგლისი ელანდება, აქ ნემეცთა ფოლადია.
 ზის და ვაჭრობს ათასგვარი სავაჭრო და სადახლეთი
 (იქვე უდგას მას ჰააგა სამშვიდობო სასახლეთი.)

ორ ცეცხლ შვაა მომწყვდეული სახელმწიფო დანიელთა,
 თუმცა სრუტე სკაგერაკის მის უპყრია თითქო ხელთა.
 და თუმცალა ომის ღმერთი კოპენკაგენს არ სწვევია,
 მაგრამ გულის დამშვიდება ჯერ ამ მხარეს არ სჩვევია.

ნორვეგია შექრილია ატლანტიდის ზღვათა პირში.
 ვინ უშველის, იმ საბრალოს, თუ ჩაეარდეს გასაჭირში?
 აქეთ გერმანია ებრძვის და ინგლისი იქით მხარეს,
 (წყალქვეშებმა იმათ გემებს ხომ სიცოცხლე გეუმწარეს.)

ნეიტრალურ ქურქში არის გახვეული ჯერაც შვედი,
 მაგრამ ვინ სცნას სახვალთოთ რას უმზადებს იმას ბედი?
 პაციფისტმა თუ აჯობა იქ პატრიას აქტივისტურს,
 უკეთესი მოსავალი მამულიშვილს შვედელს ნუ სურს.

*) Коте Бальмонтъ

განეთებში იყო ცნობა: ამხედრდაო პორტუგალი,
მაგრამ ჯერაც არეინ იცის რას მოქმედობს ეგ
დებეშებში არსად ისმის ჯერ იმათილისაბონი
და გერმანელ ჯართან შეხლას არც აპირობს ისა მგონი.

ესპანიელთ სახელმწიფოა უნდა იყოს ზრდილი დიდი,
ყოველის მხრივ თავაზობით რომ იწონებს თავს მადრიდი.
და როცა, ამ ბოლო ხანში, მიაკერეს ზურგს ბლოკადა,
მცირეოდენ აეშალა მას ნემეცთან ბრძოლის მადა.

ოტომანთა სამფლობელო, ამას წინად მკედრათ ცნობილი,
გერმანიის რაკი გახდა მეგობარი და ძმობილი,
უკან-უკან მიდის ჩოჩვით თითქმის ყველგან შაზიაში...
ჯარს კი გზავნის საბრძოლველათ დობრუჯსა და ფრაკიაში.

სპარსეთშიაც კი იბრძვიან... მაგრამ მხოლოდ მარტო სხვები.
შორე მხრიდან აქ საომრად დარაზმულად განაშვები.
სპარსეთი კი ძველებურათ დინჯია და ნეიტრალი.
(მუთაქაზე მიწოლილი და ხაშიშით დანამთვრალი.)

ახმაურდა რაკი მასაც დრო დაუდგა და ჟამია,
ფერატის პირ გაჭიმული ძველი მესოპოტამია,
და მოჩოჩავს ბაღდადისკენ ნელის ბიჯით ინგლისელი...
(თუ მას კუტუელ ამარასთან გზა არ დახვდა ძველებრ ძნელი.)

ეგვიპტეში სიწყნარა აღარ ისმის ფაჩი-ფუჩი...
აშქარაა დამორჩილდა მუსულმანი მტერსა ურჩი,
და ძველ ფარაონთა ქვეყნის ბატონობა ინგლისელთა
ნილოსის წყლის შესართავთან უცილობლათ იგდეს ხელთა.

„ამომავალ მზისა“ მხარეს ომის ღმერთმა გაუღიმა.
მანჯურის არე ვრცელი სათარეშოდ გაუჭიმა.
და მდიდრდება, ვაჟკაცდება ეგ ინგლისი აღმოსავლის...
ანგარიშის რაინდია, მოტრფილვე შემოსავლის.

„ცას ქვეშეთის“ რესპუბლიკა, (იმპერია ხატაველთა)
(ოსმაღეთის უფროსი ძმა) გარეშე სდგას ბრძოლის ველთა.
ჯერ ანგარიშს არეინ უწევს სიტყვასა და სურვილს მისას.
(თუმცა სჭვრეტენ ევროპაში „საფრთხეს ყვითელ ჩინეთისას“.)

ატლანტიდის ოკეანეს გაღმა მხარეც ბობოქარობს
გერმანიის ბლოკადაზე ამერიკა ერთობ ჯავრობს.
დიპლომატურ ჯაჭვსა სწყვეტავს პრეზიდენტი უილსონი,
ზღვა დიდია, და ვინა სცნას ვის დაახრჩობს მისი ფონი.

განა მარტო ამერიკა? არ ხუმრობს არც ბრაზილია.
 წყალქვეშათა თარეშისგან თურმე ისიც დასჯილია.
 ჯავრობს პერუ, ჯავრობს ჩილი, ურაგვაი, გვატამალი
 აღარსად სჩანს ქვეყანაზე მადლიერთა ნატამალი.

აქ დრო არის აქარისაც მოვიხსენოთ ბრძოლის ველი,
 სად ებრძვიან ერთმანეთსა თურქთა სპა და მხნე ქართველი.
 გაზეთები გააჭრელეს ტრაბახით და მქუხარ სიტყვით...
 ესეც კმარა საგულისხმოდ. ჯერ ამის მეტს ნურას ვიტყვით.

ეშმაკი.

ი ბ ა ვ ი

(ხაღხუჩი)

ერთსა მღვდლის მეუღლეს,
 ჰყავდა სატრფო ვაჟი,
 და ოდეს მის ახლო
 იწოდა გიჟმაჟი,
 წამოესწრო თურმე
 მას იმა დროს მღვდელი.
 რა შეხედა, ელდა
 მოხედა გულში მწველი!
 კეტს ხელი დასტაცა,
 ცეცხლი მოემატა;
 ვაჟი კი ფანჯრიდან
 გახტა როგორც კატა...
 დაედევნა უკან,
 და ყვირის:—დაჰკარით
 ქურდი არის, ქურდი,
 მარჯვეთ, შეიპყარით!
 (მოხერხებით, ვაჟსა
 ბაღში ერთი ჯიბა,
 გაქცევის დროს, მწვანე
 ცერცვი დაეკრიფა).
 ხალხი დაედევნა.
 დაიჭირეს „ქურდი“.
 უთხრეს:—ველარ წახვალ
 ტყვილათ აფხაკურდი.
 მან ცერცვი უჩვენა,
 სთქვა:—ეს მომიკრეფავს
 გამიშვით თქვენს ღმერთსა,
 გამიტეხავს კეფას.
 გაუშვეს. და მოძღვარს
 ჰკითხეს:—წმინდა მამა!
 მიტომ მისდევ, რომ მან
 ცერცვი შეგიქამა?!.

მღვდელმა ვერ ამხილა
 თვის ოჯახში სიძვა;—
 და ამ შეკითხვაზე
 სირცხვილით დაიწვა.
 სთქვა:—ვინც არა იცის
 მისთვის იყოს ცერცვი.
 ერთი არ კმაროდა,
 მეორეთაც შევრცხვი.

იწ. ბოჭორი.

კინტოური

(საინტენდანტო)

ბილ ია მნოგუ, ი კუშილ,
 კაზონ დენგი ზაპლატილ
 სოტნი ტუდა,
 ტრი სუდა,
 დელო დაიდოტ დო სუდა.
 —
 შესტ მესიციო პრახოლიტ,
 სრაზუმ კანტროლ ნახოლიტ,
 დვაციტ ტიშირ
 რასტრატა,
 ტრახ, ტა-ტა-ტა, ტრახ, ტა-ტა!
 —
 სლიდოვატელ კსიბე გოსტ
 პრიზივაიტ ნა დაპროს...
 ზაკონ-მაკონ
 ადატოვ
 ემუ ტურმა ი გატოვ.
 —
 სილიტ გოდუმ, სილიტ ტრი,
 ეშიო მესიცი პასმატრი...
 სილიტ ვანკა
 ბატატა,
 ტრახ, ტა-ტა-ტა, ტრახ ტა-ტა!



ნიკო გოშირიძე

(ავტობიოგრაფია *)

მე დავიბადე. ფრიად არ მესიამოვნა ეს გარემოება. ალბათ ამისთვის განვაცხადე უდიდესი სიტყვიერი პროტესტი. პირველ ხანებში ჩემი ხმა საოპერო ნიშნებს ატარებდა. ბოლოს და ბოლოს იმედი დავკარგე. წამოვიზარდე. სასწავლებელს ვერ შევეგუე. ორში ერთი ან ცუდათ მასწავლიდენ, ან ცუდათ ვსწავლობდი. დავკაბუკიდი. სცენამ მიმიზიდა. პირველად სტატისტიკის როლი ვითამაშე. რეცენზია ამ წარმოდგენის შესახებ არ დარჩენილა. მახსოვს

მხოლოდ, რომ ანსაბლს ხელის მაგიერ ხმა შევეწყვე. დავვაჟაკიდი. შევეხიზნე სახალხო აუდიტორიას ავკალის ქუჩაზე. აქ კონფლიქტი მომიხდა. სცენასთან დიპლომატიური კავშირი შევწყვიტე. 1867 წლიდან ზავი ჩამოვარდა. მას შემდეგ სახალხო სცენას ვემსახურები. სხვა სცენებზედაც მეპატიეობოდენ, (ქართველი ხალხი ძლიერ სტუმართ მოყვარეა) ვერ წავედი.

სახალხო სახლის სცენა ძლიერ მიყვარს. არ შემიძლია ვთქვა, ვითომ იმას კი ვჭულდე.

(„სახალხო ფურცელი“)

*) მცირე შესწორებით.



სათბურები ჩემთვის ჯერ ნადრევია!
მერეც გამოჩნდება სადმე.

ორივენი. ვაი, ვაი, ვაი.

ვასო. ოცი წელი იღწვი, სახალხო სცენაზე,
ლამის კოჟოყები დაგაჯდეს ენაზე...
და თუ სამსახური, სხვით ვერ დაგიფასეთ,
ეს იუბილეთ ხომ კი გაგიმართეთ.

ნიკო. ეჰ, ვინც ეგ პატივი ჩემთვის მოიგონა,
ნუთუ მეტი ტანჯვა ვერ გამოიგონა.
მაგრამ მადლობელი ვარ მაინც იმისა
აღბად, სიყვარულით მოქმედობდა ისა.

ორივენი ვაი—ვაი—ვა...

ნიკო გოცირიძე

ღ უ ე ტ ი*)

(ვაი გუის ხმაზე)

ვასო. საყვარელო ძმაო, გოცირიძეც ნიკო,
სახალხო თეატრის უებარო კომიკო,
კანონით შენა ხარ აწ ჩემი მემკვიდრე,
და პა, ჩაიბარე, ეგ ჩემი სიმდიდრე!

(აძლევს ქურქს)

ნიკო. აბა რასა ბრძანებ, ვასო ჯან, გენაცვა,
შენ რალას აპირობ ეგ რო მე ჩამაცვა!



*) უეპველათ სავალდებულოა ეს კუბლეტები სიმღერით წაიკითხოთ.

მოსსენება

ზ. მ. რ. ი.

ძმაო ეშმაკო, მოგიკითხავ დიდი სიყვარულით და ღმერთსა ვთხოვ შენს დიდ-ხანს სიცოცხლესა (კუზიანების საკეთილდღეოთ.) ახლა, ძმაო ეშმაკო, თუ ჩვენს ამბავს იკითხავ, ჩვენ კარგა ხანია უმართახოთ ვცხოვრობთ ამ ქაობში; ვცხოვრობთ მატრახაზულათ, გორულათ, უპატრონოთ შენი წყალობის თვალს მოკლებულნი და დავიწყებულნი.

მართლაც და დიდ საყვედურის ღირსი კი ხარ, ძმაო. ამ გორმა რა გველი შეგვიწვა, რომ აქამდე ერთხელ მაინც არ შემოიარე. იქნება გგონია, რომ გასამართახებელი აქ არავინ არის?!. ძალიან სცდები.

აქ იმდენი მატრახაზა ინტელიგენტი და მატრახაზი მოღვაწეა გასამართახებელი, რომ რომელ მათგანსაც გადაუჭირო, ისე შეერბება, როგორც თავის დედის ძუძუ.

თუ ვინცობაა მოიცალო, შეისმინო ჩემი აჯა და წამოხვიდე, ერთი ხუთიოდე მათრახი მაინც წამოიღე, ვინაიდან ერთი ცალი მალე ჩაგაცვდება ხელში.

თანვე წამოიღე მხრჩოლავი ვაზების საწინააღმდეგო მოწყობილობა რომ ცხვირ-პირზე აიფარო, რადგან ადგილობრივ ქუჩებში ნავისა და უსუფთაობის სუნს გერმანელების მხრჩოლავ ვიზებზე უფრო მეტი ძალა აქვს. აქ ისეთი ვაზებია, რომ ცრემლებს კი არა, სულს გააყრევიანებს ადამიანს.

ამიტომაც პირდაპირ ამ ვაზების მთავარ ლაბორატორიაში, ქილაქის თვითმმართველობაში გასწი და იქ კაბინეტში მწვანე სავარძელში გამოკიმულ ლ. გრიგორაშვილს მო...ახსენე: სანიტარული კამისიის თავ-მჯდომარეთ რომ იყავი და სისუფთავეს მეტ ყურადღებას აქცევდი, ნუ თუ იმით, რომ გორს თავად გამობმობდი და ლაზარეთებს კობტა ეტლში კობტათ გამოკიმულიყავ?!. ამ ეტლით რომ ქუჩებს უვლი, რატომ აქეთ-იქით

ალარ იტკირები?!. თუ სმენასთან ერთად მხედველობა და ყნოსვაც დაგაკლდა, მაშ როგორღა თაობ და მოურავობ თქო.

ცოტა ხმა-მალღივ კი უთხარი ეს ყველაფერი, თორემ ახლა და ახლა უფრო დაუმძიმდა სმენა; ხუმრობა ხომ არ არის გორელების თაობა!..

ახლა თვალი გადაავლე გორის მამინაცვლების გუნდს; ერთი ნახე, ერთი ყური დაუგდე რა ხმა-შეტკობილათ, რა პარმონიულათ მღერია?!. მღერიან ერთნაირათ მსჯელობენ ერთნაირათ, დადიან ერთნაირათ. და ყოყორობენ ერთნაირათ. არავითარ დისონანსს და ოპოზიციას ადგილი არა აქვს მათ სიმღერა მოქმედებაში-ქალაქის საქმეები ერთხმათ, უკამათოთ და უდავიდარაბოთ ერთი სიტყვით სრულ პარმონია და პოეზიაა.!

შერე იცი ვინ ღირიერობს მაშების ამ კონცერტს?!. ერთი საყოველთაოდ და კარგათ ცნობილი დიდი მოხელე და დიდი მემამულე.

ამიტომაც კარგს იზამ, თუ ერთი ორი ნაბიჯით უკან დაიხვე და ისე რაც ძალი და ღონე გაქვს მაგრისას უცხუნებ ამ უფვირგვინო ბატონს, მეფეს გორის საზოგადოებისას და თანაც ეტყვი რუსულათ რადგან ქართული არ ეხერხება: ქალაქის თვითმმართველობა ბიუროკრატიულ კანცელარიათ რათ გადააქცია. რატომ არ იცის, რომ ქალაქის დიდი საქმეები ბიუროკრატიულ კანცელარიის პატარა და ვიწრო ჩარჩოებში ვერ ჩატევა; ბიუროკრატიული სული და ინტრიგები საზოგადოებრივ საქმეებში რისთვის ვადმოაქვს; თუ არ იცის, მათრახის კუდით შეაგნებინე, რომ ბიუროკრატი მოხელე საზოგადო მოღვაწის როლში მხოლოდ სამართახო მასალაა და მეტი არაფერი.

თუ ეს ექსკურსია უბიფათოთ ჩავივლის და ფეხს არ მოიტეხ, ძმაო ეშმაკო, გასწი თფილისისაკენ ჩქარა, რადგანაც შენ მათრახებს აქ გადაჩვეულები არიან პირველათ ძალიან ემწვავებათ და ემანდ ფეხი, ან კისერი არ მოგტეხონ.

ზვილდ-ისახი.

ჩემს „ვასკას“.

აჩუ, ცხენო!
 შე ოხერო,—
 „ტრანსპორტ“ რაზმში
 ჩასაწერო!
 მითხარ: როგორ
 მოვექცე დროს?
 სალამური ავამღერო?!
 — თუ უსაგნოთ
 ვიცელქო და,—
 თეთრ ქაღალდზე
 ლექსი ვსწერო?!..
 ძუა სქელო,
 „ჩერქეზ“ ჯიშის
 არ ქართველო.
 გასწ-გაკურცხლე
 ჩქარ ნაბიჯით...
 რომ მით გავიტანო
 ლელო,—
 და მით ჩემო
 თვალის ჩინო,
 ეგებ თავი
 ვასახელო.

ვშიშობ: შენი ჯახრიკულით
 ველარ განვლო გზა სავალი, (?)
 ვაგლახ, შენი ოჩნობითა
 გულს მომედვას ცეცხლის ალი!
 მაშინ? ეჭა... ბედის მღურავს
 ვინ აღმადგენს გზათ დაცემულს...
 შენგან ნათრევს, ნაჯახრიკალს,
 ნაამაგდარს და წამებულს?!
 მაგრამ ფიქრნი იმედს მგვრიან
 და ოცნებაც ფრთას შლის ნაზათ...
 ზე აღმაფრენ სხივით მოსავს
 სულს, ჩაფერფლილს, აიაზმათ!
 მაშ, შორს
 ცრემლი
 ნაცვლად
 გრდემლო
 აიღეთო, გესმის ცხენო!?

ბედი ასე
 გვიკარნახებს!
 „ახალ ყოფნის
 საძირკველი
 გამოსქედეთ ისევ თქვენო!..
 მაშ, გაჭქუსლე... ჩემო ვასკა!
 თუმც ხანდისხან ბორძიკდები;
 დაბრკოლებათ საზღვარი სჩანს
 წინ... გასწი, ნუ შეშინდები
 არ მომიკვდე, საძრახისათ
 ყვავე ყორნების საკორტნელო,
 ერთხელ ზაინც გაბედულათ
 მივიტანოთ ნაპირს ლელო...
 მტკბარ ოცნების
 ეინ აღმძრელო!
 არ ახარო მტრების გული,
 არ დამტოვო მგლოვიარეთ;
 ჯერ ბევრი გვაქვს გზა სავლელი
 თუმც ორი გზა მოვიარეთ.
 ჩემო „ბედის“ მერან-რაშო
 უვალ გზაზე მტერის ამდენო...
 აჩუ! ცხენო!..
 ი. ზოლგოთაი.

ს. გ ა შ ი

სამშაბათ დამეს, გვეწვია
 მამასახლისი როყუა;
 ურიადნიკი სტრაჟებით;
 მწერალს ნაცვალიც მოჰყუა.
 დააგუგუნეს სათარი,
 ჭადმოღმა უქთამურისა
 და ძიებასა შეუდგენ,
 ლურჯ ბილეთ მოდგამურისა.
 „ვექებთ სულ ყველას, ვინც ღღემლი
 გარდაიცვალა, მოკვდაო.
 რო იმაღებით რა არის,
 რა იყო, ან რა მოხდაო?
 ღღემდე უცდიან მიმდგართა,
 აღარ ფიქრობენ წასვლასო
 პილატეს ცრემლით, ნანატრით
 განიღვიძებენ მადასო.
 ტოფიქეს მოაქვს ვახშამი,

ცხენებს აქმევენ ჩალასო,
 სიმინდიც მარგებალია
 ცხენებს შემატებს ძალასო.
 ესტატე ლორით გადარჩა,
 იაგორს სთხოვენ ქათამსო
 მიხეილს ღვინოს უქებენ
 მოსიას სთხოვენ ქანქარსო.
 მოგროვდა დიდი—ზვარაკი,
 ხუზავენ შესანდობელსო
 დანაყრებული, ნავახშმნი
 მკერდებს აფხანენ ლობესო.
 იმას ვინ ჩივის, ვინ დასდევს
 ცრემლები რომ სდის მოძმესო,
 მშვიდობის მცველნი დარაჯნი
 ჩვენზე იჩენენ ღონესო.
 ეშმაკო, ეკებ შენ იცნობ
 იმ ჩვენ კანდიერ მკვდრებსაო...
 გამოგიგზავნით რაყუსა
 თუ დაუზომავ ძვლებსაო.

ტარბანი.

სონის ამაგი

(დათიკიეს ნაამბობი.)

რავაც კი მომივიდა ობელანიე, რომ კოპერანტიის ყრილობა არისო, მოვძებნე იმ მინუჩი კნიშქა და კვიტანციე და გავწიე. გვარიანი ამიდი იყო. შევედი სახლარში, დევიწერე პიჯვარი, მივიდე ელოგიე და გამოვწიე ედრიატიწყენ. იმდონიულუსი ხალხი შეყრილიყო მის წინედაჲ, რომ ნეფსი არ ჩაეტეოდა არსათ. ვინ გინდა იქინე არ იყო: დოხთური, გამომძიებელი, თავადი, ვაჭარი, ხარაზი, მამასახლისი, უჩიტელი, შეფურნე და ერთისიტყვით ყველე ღირსების კაცი. ყველე მოგებაზე ლაპარაკობდნენ: ახლა კომპერატს დიდი მოგება უნახავსო და დღეს დაარიგებენო. რავარცხა იყო შესავალ კარებში ჩვეწერე სიაში. შევედი შით. დასაჯდომი ალაგი ვერ ვნახე, ერთი ერთმანეთს აჯდენ კისერზე. რავარც იქნა მივიკუნჩხე ერთ მუხურში და დევიწყენ ლაპარაკი. გეიმართა, მარა რა გეიმართა: დედა არ მოუგინებინ და ცოლი ერთმანეთიზა თვარა არაფერი დოუკლიენ. ამისანე ლაპარაკი,

რომ სოფელში დევიწყება იმას ხანჯლის ბრიალი და კაცის ჩნება არ მოყვეს შეუძლებელია. ნასტავლებს თურმე ლაპარაკით ცოდნიენ ჩხუბი და არ ვიცოდი: მე მეგონა ლივერებს იძრობენ თქვა და გასაქცევი რომ მეშონა ნალურ ძალღვივით ვაპირობდი გაქცევას. რავა ღმერთი გამიწყობოდა იქინე ჩვეწერებოდი, მარა შაქარი ვერსა ვერ ვიშოვნე და ნუ ჩეწერები თუ კარგი ხარ! ამ სიბერეში ისე დევეჩვიე იმ ოხერ ჩაის, რომ უიმისოთ გაძლება არ შემიძლია.

ნუ იტყვი შენ, თურმე პირველათ ზარალი ქონია ჩვენს ობჩას და იმიტომ სული გეიმართა. ეძებდენ ვინ შექამაო. სული ამბობდა საქონელი დაკარქულაო მარა ვინ წეილო არ ვიცითო. ვინცხა სენიდისძვირადე ყოფილა მეითხოვენ იმის მოწერილი წერილის წაკითხვა. ნუ იტყვი შენი კირიმე! რა ჯანდაბამ აწერია ამდონი! ანგაროზივით გძელ ქახლდებზე ეწერა და ეწერა! ერთი საათი მეტი იკითხა ვინცხა ჩინონიკმა. იმ წერილში ჩვენი მათე დოხთურიც კარვით იყო შელანძლული, მარა სხვებსაც არ უკოცნიდა ტუჩებს. გათავდა როვარც იყო იმის კითხვა და მერე გამევიდა გვარიანი შეყაყარებული კაცი, ანდრიე ზახთაძე ყოფილა, და ამან დევიწყო თავის მართლება. ამას კილო ვინცხამ უყვირა, იმას კილო ვინცხამ უპასუხა და ასე დიდ ხანს იყიყინენ. უნდოდენ რომ ზარალი საზოგადოებშიზა დეედვენ! ამაზე მეგეცა ხვთის წყალობა ვიყვირე, ამყვა სხვებიც და იცოცხლე ვინცხა გამგეები ყოფილა კი ვიჯერეთ გული თელი ზარმლი დავანქვეთ თავზენ.

რავარც იყო შეუდგენ ახალ ანგარიშებს—წეიკითხენ: ეგი ვივაქრეთო, ეგი გადავატრიალეთო, ეგი ვისესხეთო, ეგი ავანციოაო, ეგი დენიარჯაო და დანაბოლოს რავარცხა იყო თქვენ, რომ ოთხი ათასი მანათი მოვიგეთო. ვისვლიქე კნიშქა და გევემზადე, მარა ვინ დამაცლიდა, დევიწყენ საგაისო საქმეებზე ლაპარაკი. წამოდგა ვინცხა სათვალეებიანი და დეიწყო საგაისოთ მილიონს გადავატრიალეთო, მანათხენ, რომ ორი შაური მოვიგოთო, იმდონი გამეიყვანა, რომ ამ ხნის კაცი ვარ და ჯერე ის ციფრი არ გამიგონია. ვიფიქრე ნამდვილათ დავაკეთდი ჩემს თუმანს თქვა. მარა მერე დევიწყო გა



სვალზე ლაპარაკი და იმდონ იმდონი ჩამოთვალა, რომ რაღავე გააბათურა ყველგ მოგება. თითო პრიკაშიკს ას ასი თუმანი დოუნნიშნა, აგი გაზეთე-იო, აგი წიგნებიო, აგი კილო საცხა ჩილენათ ჩავწერო და თლა ყუყუზენ მიაყენა ჩვენი მოგება. ღმერთმა კაი ქნას, მარა თუ ერთი ორჯენ მოვასტარი კილო შაქრის გამოტანა, მერე შამომივლია თავზედ ჩემი თუმანი.

ეირია ხალხი და მე მეგონა ახლა დაიწყებენ მოგების მოცემესტქვა და წვეიქიმე კინიშქით წინ, მარა შენც არ მომიკვდე იმისანე ვარი მტკუცენ რალამე დევიწვი სირცხვილით. არა, რას უყურყუტებდი ნაელოგიარი კაცი დაღამებამდის, თუ მოგებას არ მივიღებდი! ახია ჩემზენ.

აჰმა.

პორფირი ასუჰაძე

1 საშინელი იჭვი

სადგური კორკოთის უფროსმა, პორფირი ას-კუკაძემ როგორც იყო დაასრულა თავის ხანგრძლივი პირის ბანა: უკანასკნელათ დაუკრა ბოხ-ხმიანი საყვირი მოგრძო და მსხვილი ცხვირით, ერთხელ კიდევ გადაირო ცივი წყალი მსუქან, ფაფუკ ხელე-ბზე და თავი ზევით ასწია. ფანჯარაში შემონატყორცნ მზის სხივებზე თვალები უცნარათ დააქუ-ქუნა, პირსახოცს ხელი წაავლო და პირის მშრალეებით საწოლ ოთახისკენ გაექანა. პირი შეიმშრალა, თვალები დაისრისა, ხელში სავარცხელი აიღო და თმის დასავარცხნათ კედლის სარკისკენ მიტრიალდა. ის იყო სავარცხლის თავზე ჩამოსმას აპირებდა, რომ უეცრათ შეჩერდა. მთელი მისი ყურადღება სარკეში გამონაკეთულმა ლანდმა მიიპყრო. პორფირი განსაკუთრებულის ცნობის მოყვარეობით დაატყერდა მას... და ელდა ეცა, გაქვავდა... მან ნათლად და გარკვეულათ გაარჩია თავის კუპრისფერ შავს თმაში აქა იქ ობლათ გამომეყურე თეთრი ძაფები მის თმათა შავს ტვერში ვერცხლის ფრად ბზინავდა და ციალებდა. მაგრამ ეს კიდევ არაფერი მან თავის სახეზე პატიოსანი ცხვირის ორივე მხრივ თვალი მოჰკრა, გრძლათ ჩამოღარულ ნოქებს.

— ღმერთო! ქალარა!.. ნაოქები! მაშ ვბერდე-ბი ვხუცდები!

პორფირის გულში რაღაც სუსხიანმა ქარმა დაჰქროლა, ტანში ყინვის ჟრუანტელმა.

— ნუ თუ ასე ადრე!

და აი პორფირიმ მთელ თავის სიცოცხლეში პირველათ მოიგონა თავის დაბადების წელი და შეუდგა თავის წლოვანების გამოანგარიშებას... მაგრამ ანგარიშის შედეგს თვითონაც არ უჯეროდა. ის ორჯერ-სამჯერ თავიდან დაუბრუნდა ანგარიშს მაგრამ, დახე უკუღმართ ბედის ტრიალს, ხელში მაინც 40—41 წელი რჩება.

— არა... არა ეს არც ისე ადრეა მაგრამ... მაგრამ, მწუხარებით ლულულულებდა ის, მაგრამ რომ არ შემიტყვია, რომ არ მიგრძნია ცხოვრება! როგორ გაქრა ასე შეუმჩნევლათ, ქურდულათ! ოჰ, ღმერთო, მე ცხოვრებას აწი ვაპირებდი! სულ რაღაც ერთი წელია, რაც აღმატება მივიღე... ჩემი ცხოვრება ცოტად თუ ბევრად უზრუნველ ვყავი... ექვსი თვე არ არი ცოლი მოვიყვანე... და აქ კი... სიბერე!...

სახეზე მწუხარების ღრუბელი გადაეფარა.

მას თვალწინ დაუდგა მისი ახალგაზდა ამომავალ ვარსკლავივით მოციალე, მუდამ მომღიმარე სიცოცხლით სავსე, 18 წლის ელო.

— ის კი... ის მაისის ვარდივით თანდათან იშლება იფურჩქნება!

პორფირი პირველათ ჩაუფიქრდა თავის მდგომარეობას. პირველათ შეადარა თავი თავის ცოლს.

— არა რა ეშმაკი შემიჩნდა? რათ მინდოდა ასეთი ახალგაზდა ქალი? სად მქონდა მაშინ ეგ საჯანდაბე თავი! რისთვის არ ჩაუფიქრდი?.. მაგრამ სიყვარული! დასწყევლოს ეშმაკმა სიყვარული! სიყვარული მაცდურია, თვალის ამხვევია, სიყვარული სისულელეა!.. აბა რა არის მე და ელოს შორის საერთო?.. მერე, სხვა რომ შეიყვაროს?.. სხვა რომ შეიყვაროს?.. შეიყვარებს, უეჭველათ შეიყვარებს!.. ოჰ, ღმერთო როგორ მომექრება თავი, როგორ გამიბახდება პატიოსანი ოჯახი!

აქ პორფირის თვალწინ დაუდგა ახლად უღვაშებ აყვავებული გრუზა თმებიანი ყმაწვილი, რომელიც მისი ცოლის საყვარელი გახდება.

ცოლის მომავალ ფიზიონომიის სიყვარულის ოცნებაში წარმოდგენამ პორფირი გააცოფა, მას პირზე დორბლიმოადგა, მთელი ტანი რისხვამ აუცახცახა.

— როგორ თუ შეიყვარებს! ცალი ფეხის ია-

ტაკზე დარტყმით და სისინით წარმოსთქვა მან, განა მე ცოცხალი არა ვარ, პორფირი ქიტუას ძე ასკუკაძე! თმებს დავაგლეჯ, ბაწრით დავაბამ, მოვკლავ! განა მე ამის უფლება არა მაქვს! ღარიბი, წივდამწვარი ჩემს ოჯახში შემოვიყვანე! დედოფალივით ვაცხოვრებ, აფაფერს ვაკლებ!.. რა ვუყოთ რომ ხანში შესული ვარ!.. დიახ მე ამის უფლება მაქვს! აბა გაბედოს!

ვინ იცის პორფირის გულის მღელვარება და შავი ფიქრები სმნამდი მიაღწევდა, რომ ოთახში ელო არ შემოსრილობულიყო!

— რათ აგვიანებ, რისთვის ჩაის დასალევით არ შემოდინხარ? ზარივით დაიწკრიალა ელოს ხმამ ოთახში.

პორფირი გამოირკვა, მან რალაც რისხვით შეხედა ცოლს, თმა ხელის თითებით გადაივარცხნა, პიჯაკი გადაიკვა და ჩაის დასალევით გავიდა.

ამდღიდან დაირღვა პორფირის სულიერი სიმშვიდე. საშინელმა იქვმა დაისადგურა მის გულში. ის გაფაციცებით თვალ-ყურს ადევნებდა თავის ცოლს. მის ყოველ ნაბიჯს ზომავდა. მის ყოველ სიტყვას უკვირდებოდა, ლაპარაკის დროს თვალეზში ჩააშტერდებოდა, თითქოს სურდა თვალეზში ამოეკითხა ელოს გულში მდებარე საიდუმლოებანი. ხშირად ხშირად პორფირი მიატოვებდა სამსახურს და დანიშნულ დროზე ადრე სახლისკენ გაექანებოდა ხოლმე.

ასე მიმდინარეობდა პორფირის ტანჯული ცხოვრება სანამ ერთმა შემთხვევამ არ ამოუგდო გულიდან ყოველივე იქვი, და სრული მონა-მორჩილი და დამჯერე არ გახდა მისი ახალგაზრდა ცოლისა.

(დასასრული იქნება)

ჩინური ფოსტა

ხუჭუჭას რა უყვარს. მშვენივრებავ ონისა, რაქისა მზეო და მთვარევი ნიკორ-წმინდისავ! თქვენ იწერებთ: „ჩემი კომედია გაასწორე და დაბეჭდე, რადგან მე სოფლის კაცი და თანაც უსწავლელი ვარო“. ჰოი უწარჩინებულესო სოფლის კაცთა შორის და უმორცხვესო დრამატურგთა შორის! თქვენ გვანიშნებთ შორეულის ექვებით, თითქო უსწავლელსა და ისიც სოფლის კაცს არ შეეძლოს დრამე-

ბისა და კომედიების წერა. აბა რა სათქმელია ღვთაებრივო?! ჩვენ არა ერთი და ორი მაგალითი იცით იმისი, თუ რა მშვენიერსა და მქუხარე დრამა კომედიებსა სწერენ ჩვენში უსწავლელინი. ვინ იქნება უგნური შეეხოს მათ სტილსა და შინაარსს, ვინ იქნება რეგვენი მოაკლოს ან მოუმატოს მათ მშვენივრებს, თუნდაც ერთი მარცვალი მზის ხივთა კონისა?

ეგრეთ უძღური და უსუსურია ჩვენი გამომცდილება წინაშე თქვენის კომედიის „ოჩხარისა“. ჩვენს კალამს არ ძალუძს შესძინოს მის მშვენივრებს არცა თუ მცირელი სამკაული! ქართველი ერთი ღირსი არ არის დასტკბეს მისი მშვენივრებით. ხოლო ჟურნალი „ეშმაკის მათრახი“ სირცხვილით დაიწვოდა უკეთუ მის ფურცლებს ეტვირთა სხივოსანი და მგზნებარე კომედია თქვენი „ოჩხარია“.

ია—ვარდს. ყვავილთა თაიგულო და ეთერო სურნელოვანო! პირველივე ტაეპი ლექს მშვენივრებისა თქვენისა „ტრფობასგან ტანჯული“-სა, უკვე ლაღლებს, რომ წინაშე ჩვენსა სძევს განძი ხელთუქმნელი, საუნჯე განგებისა. ვკადნიერდებით მოვსწყვიტოთ საერთო კრებულს ტაეპი იგი და ვითა ვარსკვლავი ობოლი დავანახოთ მკითხველთა ჩვენთა, ძეთა ივერიელთასა:

„ვახუშტ! არ ვიცით არც ერთმა მკვკვდებით რომელ წელსაა, ვინ გადურჩება სიკვდილსა დმურთისგან დაწესებულსა“.

მუსიკალური რითმი ზემორე აღნიშნული ტაეპისა მიუწოდებელია მომაკვდავთათვის, მაგრამ მაღალი აზრი მასში ღვთიურ ძაფათ გატარებულე უკვე აღემატება უგონიერეს აფორიზმს ჩვენი მგონის სოლომონ ზურგიელიძისას;

„კაცი რომელიც იბადვის, იგივე ჩადის საფლავსა“,

ვინაიდან თქვენს მცირე ტაეპში განმარტებულია აგრეთვე ძიება იმ პრობლემისა, რომელსაც „ყოფნა არ ყოფნის“ საკითხი წარმოადგენს. „ვახუშტ! არ ვიცით არც ერთმა, მოკვდებით რომელ წელსაო“. მაგრამ მშვენივრება წმინდარჩენ ტაეპებისა იმდენათ ღრმა აზროვანი და მომჯადოებელია ადამიანის გონებისა, რომ გადავსწყვიტეთ მისი შენახ-



ვაშეორედ მოსვლისათვის. მოგეხსენებათ მაშინ მკვდრებით აღსდგება უკვე მიცვალებული კაცობრიობა ზნეობრივ-გონებრივად განწმენდილ-განსვეტავებული.

ფეხსაცმელის შავი სომ სანთლით საქებარაა“.

შაქარზე უტკბესი ლექსი თქვენი, პურზე უნოყიერესი აზრი მისი, მაკარონზე უსათუთესი რხევა მისი, ბრინჯზე უმეტესი ხვადრიელობა მისი, პილპილზე უმეტეს მხურვალეობა მისი, შაშხზე უმეტეს მარილიანობა მისი და სხვა მრავალი თვალწარმტაცნი ღირსებანი მისნი გვავალებენ არ შეურაცყოთ „ეშმაკის მათრახში“ დაბეჭდვით სახელი და ღიდება ლექსის „პროვიზიისა“.

ქ-ნ უუუუნახ. ყვაილო ივერიისა! თქვენ პირველი ხართ მხევალთა შორის, რომლის უმაგალითო შემოქმედებამ მოჰხიბლა თვით ეშმაკი ჯოჯობეთისა და აგრძნობინა მას ძლიერება მუხისა.

„შაქარი გაგვიძვირდა! პურიც არ იშოვნება.“

ყოველ-კვირულ იუმორისტული გამოცემა

ეშმაკი

მიიღება ხელისმოწერა 1917 წლისათვის

ჟურნალის ფასი: 12 თვით 7 მ. —
6 თვით 4 მ. — კ.
3 თვით 2 მ. — კ.
1 თვით — 70 კ.

ეშმაკის მათრახში დაიბეჭდება მხოლოდ იუმორისტული შინაარსის წერილები, ლექსები, მოთხრობები, ზღაპრები, არაკები, შარადები, გამოცანები, ნაკვეთები და სხვა.

ჟურნალის სამხატვრო და სალიტერატურო მხარეს განაზღვრეს ე. შ. შ. ა. კ. ი., სოლო გამოცემის სამხეს კანტორა „გ ა ნ ა თ ლ ე ბ ა“

რედაქცია სთხოვს როგორც თანამშრომლებს, ისე ხელის მომწერლებს რომ მასალები და ფული ამ ადრესზე: გამოიგზავნონ Тифლისь, С. Р. Таварткиладзе, Ольгинская, 6, поч. ящ. № 96.



სახ. ფურცელი ბ-ნო შლინგ! გუშინ წინ „საქართველომ“ გამა-
ჯავრა. ერთი იმისი კარიკატურა დამიხატე
„საქართველო“ ბ-ნო შლინგ! გუშინ „სახალხო ფურცელმა“ მაწ-
ყენინა, ერთი კარგათ გამომიჭიმე კარიკატურაში.

„თ ა ნ ა მ ე ლ რ ო ვ ე ა ზ რ ი“

მიიღება ხელის მოწერა 1917 წლისათვის

აჯეთი ღირს როგორც თფილისში, ისე პროვინციებში მთელი წლით 15 მანეთი, ნახევარი წლით 8 მან
საში თვით 4 მან. 20 კაპ., ერთი თვით 1 მან. 40 კაპ

გაწევის ფასი ხელის მომწერლებმა წინდაწინ უნდა გადაიხადონ, ნისიათ არზავის გაეგზავნება.
ფოსტით ხელის მომწერლებმა ფული შემდეგი ადრესით უნდა გამოგზავნონ: Тифлисъ, почтовый
ящикъ № 199, Власію Малакіевичу Бохохадзе.

თფილისის ხელის მომწერლებმა ფული უნდა შეიტანონ კანტორა „ბანათმებაში“ ოლღას ქუჩა № 6.